

淵

于

集

澗于詩序

黃齋沒之七年予再至都公子仲炤侍讀方袞遺稿屬  
爲校訂中更喪亂今春剞劂始竟以詩四卷乞爲序君  
博涉多識才藻鴻麗擇言尤矜慎顧志在用世官京朝  
日不甚致力於詩及淪謫邊遠則身世之感家國之故  
一於詩發之生平希慕蘇文忠遭際頗相類所爲詩閎  
壯忠惻亦似玉局中年之作且其一身之升沈榮悴實  
爲人才消長國運隆替所繫讀者但羨其伐材之富隸  
事之工固未足以知其深也憶予壬午出都前一夕晤  
君以氣類太孤爲憂君謂世患雖迫事尚可爲感激知  
遇惟失時是懼旣君寢嚮用朝貴嫉乃益甚未再暮朝  
局遂變醞釀十年而有甲午之敗庚子禍稔始起君議

約君至歆歔今昔慨鍼石之無由施約定遽引疾歸江  
南集中詩至此而止君不久亦下世矣其視屈子之懷  
沙范文之祈死何如予故三復而悲涕不能自己也辛  
酉十月陳寶琛

澗于集

詩卷一

避地海門贈沈熊

海門

晚春

沈三愛余聽雨養詩心五字爲作養詩圖輒用陶  
讀山海經韻報之

圃中擇菜八首

海鳥

邵香巖丈自泰州寄龍井茶於潛尤賦謝

送容舫健齋二姪北上

揚州和邵丈

甘露寺

重至蘇州

垂虹亭次湯敦之秀才壁閒韻

登北高峰絕頂觀日出

西湖

冬游石屋洞因得 先子及劉鹿二君題名

酬吳子述

滄浪亭

侍二兄講孝經

受之弟致惠山泉品茶

和唐彥猷華亭十詠次韻

讀史記十八絕

暮春詣陸月湖先生不得見命次皮襲美訪魯望  
不遇韻

題沈三蒙慶詩卷

陸先生坐上詠鮒魚

前詩旣成先生樂甚復以郭注肥美多鯁爲韻屬  
同門分賦余得多字二十韻

陸先生出示所藏陳白陽五色端溪硯

書陸先生手校宣公奏議後

吳門尚鬪蟋蟀之戲已巳秋陸先生用韓孟關雉  
韻與門下諸子聯句補和一篇

登高邱而望遠海和邵丈用太白韻

感時言志別四兄及諸弟

入都別邵丈

海市

詩卷第一目錄

淵于集詩卷一

詩之一

古今體詩八十一首

起咸豐庚申歲避地海門口終同治庚午歲入都應試日

避地海門贈沈熊

沈君字漁村父拭嘉慶甲子舉人額上校官能詩古書千卷良

田百畝漁村以諸生世其業道光同治制科父子並舉孝廉方正均累辭不就邑人高之余家寓居漁村別業花木魚鳥甚有野趣君與余尤善

氛侵纏斗牛貪殘走羆貍金粉江南春積骸莽焦土沸  
水無潛鱗債車多棄輔風濤海上琴衣劍蘆中舫浮家  
但煙波瀕水得村聚不營子泰居還隱皋通廡主人世  
儒門被服必於古自著種樹書抱甕理場圃但得桑麻  
樂焉知兵革苦更話乾嘉年年豐迓田祖歲時歌烏烏  
粥香盛口數吠犬足生菴夜寢不合戶撰杖君七十學  
劍我十五願解劍上環乞君老白牯農隙共帶經松枝



足代塵勿種山桃花更引閒漁父

海門

真隱求同調山居豈鹿門魚蝦潮後市葭葦水旁村漸  
改吳音脰全消海氣昏欲成風土記梁燕識巢痕  
樂歲田家話松陰坐夕暉疏畦瓜當重堅土竹胎肥薄  
薄春農酒童童嫁女衣由來存樸俗漚鳥亦忘機  
始聞哀痛詔久入中興年險難雲雷動租繇郡國蠲石  
頭空負阻潁尾且求田泥飲談王道長安在日邊  
亦思投筆起樂志爲衰親能鄙雖囊薦差甘甕牖貧溪  
萍生作客野鶴傲於人卻譜滄浪詠臨流一洗塵

晚春

市塵知避客兀坐玩春深火燼茶香細書橫竹个陰惜

花生佛意聽雨養詩心傲吏非真寂虛空喜足音

沈三愛余聽雨養詩心五字爲作養詩圖輒用陶  
讀山海經韻報之

故人開三徑問我何闊疏虛室抱神靜天地涵吾廬寂  
然感易理可卦不可書妙處世豈傳惠施空五車說詩  
閒佛氏寒庖充筍蔬安得陶謝手歌歎與之俱一時子  
沈子鉤隱爲之圖回殆坐忘者師曰女弗如

園中擇菜八首

天下有至味豈必屠門快小人學爲圃亦復厭韭薤奉  
親無兼珍灌蔬得菘芥養民百穀同饜欲三時賣有餘  
穽作齋禦冬自蓄曬北土菜甲香肥脆過江介何時歸  
故山荒畦理蕪敗平生澹泊心毋使鼎食解

菘芥

播穀當播麤求菜當求薺水旱固能忍鎗煦乃交濟聖  
人變陰陽物性必深體有無與死生志之春秋禮我時  
繞麥田擷向清谿洗谿女工數錢論斤賣魴鱸縱復無  
人采深根且固抵薺

不讀神農書安知百藥性田家頌薯蕷食之長壽命華  
淡葉足憐苗疏族自盛厥德閭而章解褐懷玉映寡人  
豈暇仙藥飢即已病妖蔓致食葛異味不干正山經大  
書四非薄緬文命誰補景純讚用答遜翁詠

山藥

怒生頗電突根拳葉如掌蕪菁辟爲屬孤特不相黨勞  
九地黄豈有中書想屑屑下鹽米那容公子享薑蕘  
辨紫華辛介固無兩願君采下體可口在疏磽酒渴屏  
哀梨燥吻引朝沆不受溫菰姓無惜辣玉漿

蘆菰

茸茸元修菜點酒蘊橙芼春老耕煙叢晚巢狀勿肖何  
人戕孽萌冒地新萸拗芭奪竹胎腴名競蕨芽噪饕人  
愛薇柔場人惜未少一摘豆花摧再摘豆實耗物穉養  
以需飲食有易教使者誰實封更罷飛龍料豌豆苗  
苦苣掩嘉蔬拾遺輟饒嘅嗟被害中田淫延不可耐掘  
土及始孩充作寒庖菜初無刺觸咽亦頗熱解肺乃知  
性無惡初蒙資化淬鋤種焉得盡及春復叢穢何如治  
其弊一例藟茶采客云類終別荆棘恐腹內苦苣  
徇沃遷卓氏分殘感長源當其未貴富一飽同雞豚解  
琴宴上客燒梨侍至尊饋羊不暇齒況此駭人根吾獨  
約便了窖發安衡門朝朝啖白石曲肱所性存飽噉大  
豆飯選魁鑪火溫世事反乎覆黃鵠無多言芋

誰謂甘者苦誰謂澤者麤提刀不忍斷肥白玉理安剖  
犀喻妾貌夫婦義不渝采葉戒賓飲君臣德不孤上有  
木樛曲下有蔓縈紆無容容乃大無用用自殊何假慮  
爲尊滿意浮江湖

海鳥

海鳥如鴉豈其服月暗風饕夜升屋主人惡之余曰否  
安知不祥不爲福鳥兮鳥兮任爾造作百怪聚鬼而徵  
妖砮族未暇覆爾巢耦俱猜禍將自及恢恢之網疏難  
逃吁嗟乎賈生動流涕劉向紀災沴墓門之歌亦已細  
吾無玉璞作彈丸化臂求炙當早計縱有好音猶異心  
盡殲非類祠天帝

邵香巖丈自泰州寄龍井茶於潛尤賦謝

竹西一叟愛浙西湖山處處窮丹藜平生嗜茶已成癖  
晚更藥物參刀圭亂後還鄉老屋破慈悲爲男法喜妻  
牀頭讀易自安樂與人嬰兒無町畦每聞緩步恣幽討  
石銚玉臼從一奚洞天騎龍恐寂寞誘致凡骨升仙梯  
小人苟全奉母隱三年裨海聊煙棲中醫卻病下農食  
臍種決明咀寒齋還家黃耳引白鹿一一籠箱手封題  
已令深夜睡魔遜豫喜吾親眉壽躋髯蘇譽抗及傭販  
卻啜建谿遺虎溪野翁亭外問翁樂不事服食憂推擠  
焉知靈窟蘊秀異顧渚鄭巖名與齊一衣帶水豈難致  
重之乃比金裏蹠承平百貨走都肆天下行賈能褻齋  
即今潢池兵尚動漢節不到吳會稽桑些桐君游嘯處  
殺戮無有犬與雞風篁樵蘇薩埵臥天目雷電山精啼

吾飲漸江似鄉味對此悵望嚴烽迷渴猶求飲疾求診  
此邦深熱我后僕滌穢禦邪果著錄持起創痍活旄倪  
遲叟輕帆下茗霅自采絕壑求空蹊肩吾答賚居易謝  
竈觚苦語嗟孤睽

送容舫健齋二姪北上

幼歲城南戲差同逐隊魚定名期軾轍縱論勿濤舒讀  
詔知君聖加餐奉母居漢京觀萬國人物近何如

揚州和邵丈

后土祠西飄玉蕊海仙舊句倡元之紅燈畫舫迎鑿鎮  
蓑笠寒江下釣絲

一房誰認無家客化鶴歸來竟有之莫唱秋娘金縷曲  
珠簾小杜鬢成絲

甘露寺

翠微雲樹閱諸天，劫火初銷塔語圓。  
兩點金焦浮几案，四雄龍虎奠山川。  
獨全北顧烽煙外，直送南條海水邊。  
菩薩狻猊支破壁，誰收佛露禮真禪。

重至蘇州

客夜聞鐘起寒山，小劫餘湛盧求故劍。  
靈寶補亡書，幕將班馬江鄉始貢魚。  
更誰春酒罷持骨論，專車

吳越春秋定淮淝，將略雄池鵝喧夜雪亭。  
鶴唳天風霜橘新，能綠江楓冷獨紅。  
擒王何殺叛滯筆，傳程公

墜月警棲烏城南，尾畢逋子曾從母走吏。  
忍捉人呼殘耕僧，彌墅秋菱壽夢湖中朝頻減。  
漕閩佰競私租

指點生公石，模糊戰血存禁奢嚴霸府。  
縱伎會昌門橋



上新人笑沙中舊鬼冤  
靡蕪春自好何處辟疆園

垂虹亭次湯敦之秀才壁間韻

積水浮天入窈冥  
輕蓑冷笛雪灘烏  
青頭鬪鴨春波暖  
紅鬣鮮魚夜雨腥  
畫像吾猶輕范蠡  
神壇誰解證酈亭  
五湖漫漶三江入  
獨倚長虹測地形

登北高峰絕頂觀日出

夾磴松濤萬頃鋪  
塔雲缺處互晴湖  
江山絕麗全披錦  
宮榭參差下積蘇  
獨鶴唳空天樂合  
百靈朝海佛燈孤  
盤紆不耐高寒地  
誰洗煙霾俯霸圖

夜宿韜光

鐘聲通下界  
燈影照禪房  
佛說唐長慶詩題  
宋佑光石龍潭底  
蟄鱸芋定中香  
一睡遽然化松濤  
到枕涼

西湖

撩湖期了亘隄沙緩緩春歌陌上花終是婆留豪氣在  
將軍衣錦石排衙

折葦枯荷瘦可憐越娘十八占頭船竺翁趙叟都零謝  
獨話遺民度厄年

水仙祠外落梅多桃著紅緋柳綠羅姿態一番新到眼  
留人仍是舊煙波

鼪鼯藜藿故居荒客久吟聲自越鄉安得湖田三十頃  
馬塍佳處築書堂

冬游石屋洞因得 先子及劉鹿二君題名

鹿名澤長山東人  
題雙雲雨大字

南山衆峰內石屋勢稍縱上有金銀臺香鑪玉女供茅

龍昇紫煙仙鼠守靈洞深邃不見底呼吸雲入甕天樂  
戛然來引我游如夢 先人舊題名頽墨落花凍清游  
希曩哲陳蘇峙皇宋淚墮峴亭孤湛等孰賓從幽巖不  
入劫山靈相引重避石當坐嘯撫樹疑手種梵寺野火  
焚下宇無上棟古佛橐他坐敢獻寶蓋頌別蘇紀歲年  
吾書雞比鳳重來迹恐迷晚照頻回轡

酬吳子述

史遷訪禹穴枚乘觀江濤盡挹東南美結納何英髦我  
客吳趨久無復幽并豪徜徉鴻鵠志且幸干戈橐萬戶  
不足道傭書事青袍出門頗避俗遺蛇連雕尻吳生何  
傑出名家丹鳳毛解君紫綺裘醉我玉色醪漢廷重文  
學已能賦登高居此亦鬱鬱一室聊蓬蒿託意在經濟

扶雅宜風騷交情諒終始側身金錯刀

滄浪亭

風景年來亦頗殊洞山野水尚堪圖孫前章後空池館  
賁斷滄浪總姓蘇

遷客亭荒鼓蓋稀願張清宴霽戎威風流誰似西陂老  
片月寒枰白鷺飛

侍二兄講孝經

至樂即菽水至孝非燧紛我孤昧詩禮小學承賢昆一  
經乃身立侍坐誨諄諄辨析孔鄭注是正今古文諸家  
不安處如絲治其棼勿念安昌說欺世更爲論講畢得  
大意率對志所存曼才嘗作傳經義當紛綸首章諷君  
側立言亦有倫婁侯挾盛氣異乎吾所聞當殿叱鄙生

琅琅誦事君匡救固臣道顯揚亦先芬聖人著德本念  
祖大雅云君父終始一章句句何斤斤皇侃擬釋典小儒  
未得門

受之弟致惠山泉品茶

宿我臨頓橋旁屋天隨茶竈一甌足山僧欲洗腐儒腸  
未許凡泉點新馥邵翁湯法得再傳便覺寒光炯兩目

邵香巖嗜茶以湯法授余兄  
守一兄以授弟弟時有目疾

十年斟酌江南水但有甘

腴少清醑未能足跡半天下敢釋瀝沆箋草木平生目  
笑新與謂凌轢後蔡誣顛陸酒酣飯飽少公事已定水  
記成茶錄肝脾險譎豈知味次第溪山總含辱焉知芳  
冽天所鍾往往幽潛避塵躅斯泉號作第二流豪貴瓶  
罍嗟數瀆分瓢偶到煙波徒也抵樵青倚修竹瓶笙畫

靜好詩清罰例不用依金谷

和唐彥猷華亭十詠次韻

黃門吳大姓至公聚族居已推丹青絕誰議玉篇疏惜  
哉史不就身歿陳亦墟猶勝江總宅宮體齊梁餘顧林亭  
野王故居也

吾笑竟陵子品水遺安平沈泉此仄山滴作涼微聲頗

解內疾熱能令吾耳清大瓢小團月當風滌煩醒寒穴參

川宋毛滂記意

縱越如縱虎不報姑浮戈先王獵胥霸麟脚投學羅兔

死高鳥盡越來矜獲多不見姑蘇臺麋鹿游陵坡吳王獵場

阿房未極麗蓬萊非阻脩頌德繹山刻厭氣江南游縱

觀羽霸楚狙擊良封留祖龍已道死何待崩沙邱始皇馳道

山槎湖亦葦荒祠臥湖濱會靈澱山寺寄食猶爲神吁

嗟歎廟祀亦當爭要津泖橋舞巫覡拓湖寂無人和傳秦時

三女分掌沈湖拓湖澱湖今拓湖已運殿山有三女祠

婁侯有賢弟養生池上居既非建業水豈必武昌魚君

王果刑殺樂地獨有餘一笑建昌巧鬪鵬空堂除陸瑀養魚池

明府忽作魚高城忽當流萬事盡如此飄然范蠡舟吾

猶惡其勢浩浩海難浮澈浦此通道煙波使人愁華亭谷

仍世爲吳將恩與相韓深顧戴勸歸里斯言殆南鍼昔

賢亦有譏侍中死蕩陰幅巾謝成都所枉豈尺尋陸機宅

何年卜幽宅河源受大名遜瑁既振采抗喜亦垂聲二

俊胡入洛門祚嗟中傾豈如謝家樹玉立庭階生崑山荆

公和此詩自注世傳陸氏生機雲故名崑山言生玉也  
余案陸士衡贈從兄車騎詩髮髯谷水陽婉娈崑山陰  
營魄懷茲土精爽若飛沈李善注引陸道瞻吳地記海  
鹽東北二百里有長谷昔陸遜陸抗居此谷東二十里  
有崑山父祖葬焉則崑山乃陸氏葬地非機雲生處也  
且山名見於士衡詩其不因二陸得名可知荆公陸機  
宅一首襲谷水崑山語而不  
主善注致有此誤余為正之

孟子不書葬春秋沒其名或為羹魚死肯感韓童生三  
女更幽渺叢葬寒蕪平還祠二隊長淫哇闔閭城三女  
傳為吳王  
三女葬此

### 讀史記十八絕

孔壁遺書競討論寥寥本紀次前聞世家恨不稽羣輔  
盡遣經生見古文五帝夏殷周本  
紀 餃子世家

產惜中人罷露臺晚祠周鼎渭壇開文成五利傳迂怪  
延壽更元肇玉杯孝文  
紀



脫粟平津比穀梁董生災異述公羊獨成十二諸侯表

獻左功同計相蒼

十二諸侯年表

軍約知非紀太初逸篇應似傳穰苴能知史例惟張晏

直以兵書解律書

今所傳律書疑後人割麻之非司馬原書矣

竄狄遷幽豈舊封不爲周祖即吳宗平生至德兼雄略

天下傳昌國讓雍

吳太伯世家

祖龍死後起漸陳倉海歸來已報秦黃石親祠商皓出

鐵推力士竟何人

留侯世家

道家清靜法家深文景蕭曹派別尋同傳分明論漢治

老韓以後始儒林

老子韓非列傳

投杼同名能辨惑結纓死事亦常經千秋子我蒙奇謗

傳付龍門注考亭

幸我

原嘗致客但多金公子論兵意較深醇酒婦人非避謗

侯生略喻畏秦心

魏公子

狡哉須賈善全身戀戀初非念故人急賜綈袍求駟馬

算中孺子相強秦

范雎

側身睨柱髮衝冠虎鬪能連列頸驪將相安危廉藺地

進飯差易負荆難

廉藺

奉頭穿孔死無名南越封佗漢厭兵五百人徒堪立國

仙舟徐市笑田橫

田橫

公車一効舉朝驚老相淮南比九卿明主何曾理前過

庭中結襪跪王生

張釋之

茂陵消渴定空居遺札叢殘一卷書生諫長楊死封禪

文君多事誤相如

司馬相如

秦法脂凝漢網開微言述孔重矜哀湯周不數陽球入

班范紛紛豈史才

酷吏

淒涼翁主嫁烏孫鄭重蒲梢致大宛博望十年擁妻子  
不知河竟出昆侖

大宛

百家抑黜聖言彰五德推明漢道昌文潔體嚴疑謗史

子師何止刻中郎

太史公自序

大將不朝羞絳灌辱王尚主何參頗疑信耳功相比

伍噲淮陰舊第三

張敖無功第三師古謂呂后曲升之齊氏次風以高祖所定不知誰第三

為疑余謂必淮陰也絳侯第四賴陰第九舞陽第五故

羞與絳灌等列又自笑與噲等伍也淮陰既誅以耳功

北信故楚漢春秋作南宮

侯張耳也高祖功臣表

暮春詣陸月湖先生不得見命次皮襲美訪魯望  
不遇韻

門前小立拓陰斜雲出無心鶴守家料是山中求聖藥  
問誰講次拾天花鄭生游學頻窺帳謝客離居況折麻  
別會吾師刺船意牙琴天籟拂桐芭

題沈三蒙慶詩卷

沈字晚樊浙江山陰諸生詩專學陶畫學雲林陸先生門下都

講也與余極契以幼學早世

琴趣在無絃晉後誰容和異哉品柴桑尋源出應左

陸先生坐上詠鮒魚

采風不入吳但詠河魴鯉李巡孫炎讀爾雅不熟失注  
當鮒吁可恥過江僅有郭景純略辨海魚得形似先生  
食譜有家傳數典韻從法言始肯求異鮒鮒司空小蹙  
浪花歌甫里陸魯望有謝皮襲美分魚詩經帷絲竹後堂開三嗅而  
作稱時哉門生未敢議鮒蟹海物豈許儕鰲鯨銅鐺門

下新賜姓銀鱗細骨爭傳詠富春采石出一源更標族

望新觴政大則東南之美紀溫公

類篇出有時吳人以爲珍即今鮓魚小

亦骨鯁之謚傳坡翁此材可殺不可辱豈肯假息網底

游池中生不羨諸衙軍使雅州節死不羨執簡齊廷太

史烈

本毛勝水族加恩簿陸佃爾雅新義

時來大國亦烹鮮時去滄溟渺

難掣江湖有信四月天驛塵作貢九廟筵秋波萬頃不

見尾篙師絕叫槎頭鱖

前詩旣成先生樂甚復以郭注肥美多鯁爲韻屬

同門分賦余得多字二十韻

晚著蟲魚疏先生鬢未皤秦淮歸雨棹

參寥和秦少游送龔深之往金

陵詩爰君一棹江南笠澤老煙蓑自詡吳珍雉非沿粵

去碧薺時魚暮雨邊全謝山引粵諺三鰲不過銅鼓灘謂鮓魚先生謂鮓乃鰲

諺謠

州邵晉涵因謂爾雅鰲鮓即鮓魚先生謂鮓乃鰲

鮓不從全邵

字還分綰綰詩不詠鱣鮓海水三山遠江風四

月和郭公啼曉岸揚子定晴波修尾都盈尺明鱗易入

羅網師穿弱柳販婦裹枯荷元放蘊先致支離鏹試磨

諒非羞小鼈或冀臙潛鼉法酒評賢聖精莖出汝哥鮓

肥增切韻牛乳補前歌

王半山後元豐行鱣魚山綱迂蔽洲渚荻筍肥甘勝牛乳

叟篇初定歐門客乍過

荻筍時魚方有味恨無郎中升佳客共杯盤六一句也

妙位君子理煩痾莫恨棠香少還兼橘核訶

方回詩詩橘多骨核

乃至身

糟紅馳越騎鈿翠寄湘娥縮項鰱槎漢軒髯鯉

躍河擊鮮君小異取醉日亡何哽噎喉防觸貪饕腹屢

摩固宜時價重骨鯁亦無多

陸先生出示所藏陳白陽五色端溪硯 硯質綠

徧體斑點黃赤白金紫俱備背鐫道復二大字

石君端人友必端前事道復今子傳沒人深淵玩龍伯  
理勝孚勝王德全五星燦燦文太史更寫圖硯競袁氏  
正嘉文物盛吳中清流墨海東南美露團兩點信手揮  
石不能言識其微固宜著色過院體何年璇宮竊支機  
零縑斷素天下徧大器深藏不自見平生恥以畫隱論  
垂老來傍經師門先生坐食無半畝萬卷蟲魚今已叟  
雲含壽氣自藏山劍挾夜光欲干斗補天畫日付人流  
笠澤叢書即墨侯我求餘波不敢率秋駕夢中如得筆  
書陸先生手校宣公奏議後

龍門傳賈生不載治安策至今悲長沙如對宣室席昀  
京豈良史唐肆求馬迹勝子加點竄貌形神已隔嗚呼  
唐貞元聰察亦令辟朝困二吳讒夕受一裴厄冰炭固

宜然蒼蠅豈愛壁鄴侯時無倫造膝全國脈垂死引晉  
參遺賢吁可惜頗疑史失之家傳彙盈尺嗟哉君子操  
介立如松柏嗟哉小人交奪正如朱碧德孤且不鄰物  
腐易求隙未相道已睽焉免忠州謫太息建中憂泚光  
竟尋逆三軍涕何從禹湯能自責功同衣白人靈武贊  
謀畫天非材不生相在君之擇誰與裂白麻陽城空有  
驛誰與進奏疏端明亦終斥契合世固難弔古無荒宅  
吾師理殘編誤本親糾摘即今中興年抱道辭徵辟閱  
世有名言出辭戒直迫諷諫意纏綿君心匪難格何用  
撮古方活世此砭石

吳門尚鬪蟋蟀之戲已已秋陸先生用韓孟鬪雞  
韻與門下諸子聯句補和一篇



織女機心萌河鼓嚴駕待居壁條侯堅上陶虞后采王  
孫張楚軍良士救晉殆布陳首尾應防秋爪牙在繁音  
曲譜饒奮須戟進鏃橫草列前茅裂土請燥塏盆子非  
錚錚石主固磊磊屈建歆欲先陸疏今人謂之屈屈蟲達封未改  
富貴笑露濡肅殺感霜催上風不應雄守雌價十倍蟹  
鄉慨遺種蛾賊始就醢羣生當厭兵工女尚寒餒胡爲  
孤注昏若受博徒給大卻批庖丁窘步算豎亥先鳴卿  
何功後斲彼奚罪我性不喜鬪一呖避若浼願解小郎  
圍勿通司市賄鑿齒樁之山長股蔽以海作氣徒矜隆  
好戰終罷怠二蟲亦何知是過爾無乃幾約貧家絲一  
擲看場綵百家息紛爭萬類蛻薰飢艱難野歌幽支黨  
隴得隄兒戲免將軍婦功趣太宰一鳴或驚人里語元

恪採

登高邱而望遠海和邵文用太白韻

登高邱望遠海徐市竟奇俠三山乃宛在大魚亦易捕  
仙藥更誰采童男童女相嫁娶太息祖龍忍死待安期  
如瓜棗縹緲更誰憑君不見漢武雄心豈秦政泰山梁  
甫聊巡登明明黃帝冢不死固未能欲窮方士迂怪說  
大舟破浪長風乘

登高邱望遠海遐哉海外經流沙窮所在世儒議明堂  
目論限九采聖人思患無裨材吾道不行時不待并封  
與女丑博異非無憑君不見貳負危危楷疏屬羿射九  
日昆侖登禹功信神異亥算多巧能募收金神予禦侮  
左耳有蛇兩龍乘

感時言志別四兄及諸弟

神劍理雄雌良馬別駢馳感時撫身世首途復鄉邦顧  
覽周京大諒非吳客睽自古有選舉多士已雜唳敢羞  
曷璧獻而矜說鼎扛衰門愴先業秉德厚甚矸父老述  
遺愛寒波深淙江歸衰鶴載一妖讖鵝飛雙我生百憂  
集鳴抱驚吠老恨無父部曲老漚不手鋌奉母更險阻  
遷家越潯龍凶歲飽芋栗荒圃擷踰雙龍小豈六荀鳳  
雛何二龐亦頗肆貧賤固已安愚忝豪傑爲時出天鼓  
雷砰聳朝聞銅馬破暮喜赤麋降幼安歸阜帽思光浮  
釣艘伯氏羣從閒大琴律琤淙涉世轉方輪好客對員  
釭坐取拙者效松心鬱株椿起我壯游想碧海橫帆撞  
中興方求治爲下國駿厖 徽音文母幄武略上將

憧羣輔積垢滌九列鳴珂璚皇雅周究宅隱憂夏遭澤  
窮邊尚勞師五道金鼓擬東南慨遺子未得歸耕糴貪  
賈擬千乘富計甌答瓠吏才競鉤距人流開達窗簷之  
涉大水拯濟誰梁扛亦聞籠天下智巧屏罪逢無具遂  
自薦剛腸蘊空腔諸弟遠送野隨肩立踈蹕不飲心兀  
兀攬轡馬蹄蹙孤飛雲徘徊迴瞻岡崆峒臨分寫懷抱  
春水香蘭泣

入都別邵丈

十三通文史二十謁天子臣朔苦飢羞自贊先生迎  
門四坐起黃金我我昭王臺溫驅駮耳四方來吳楚反  
時不乘傳承平獻賦何奇才蕭條父客臨歧送破硯遺  
書成感痛縱復紫髯不豚犬固知瘦鶴非鸞鳳海山蒼

蒼風浪浪今日敬舉君之觴拂拭玉光輕入世燕石何如什襲藏

海市四首

帝遣禺彊策六鼇形殘千戚尚橫操璇機不責波斯錦  
玉砥爭磨日本刀黃歇浦深連估舶山松城小臥氛旄  
未經水怪天琛室猶誤元虛狀怒濤

瓊鱗異甲湧天吳蜃氣呵噓倒海圖燈沃魚膏陰火熾  
湯煎鶯粟好金輪狙公甚躁何冠服鬼卒能靈豈祝符  
直幻桑田成裸壤更誰鳥爪擲靈珠

葆就羈縻市偶通周京侯伯賜彤弓臨經大帝藏輕艦  
山爲軒皇出善銅越種將船遲下屬秦僮采藥慣迴風  
蒲桃挂蠹勞相誑豈得輕論遠使功

流沙舊貢吉光裘候日金九拂赫樓九萬里傳青鳥至  
十三年兆赤鳥流奇肱風定飛車墮周髀星明步算求  
佛界塔鈴如竊語夜郎不過漢方州

詩卷一

澗于集目錄

詩卷二

嘉禾書感

三高祠

柳堂先生言事謫官歸主蘭山書院賦詩爲別

書圭盒再送柳叟詩後即疊原韻

再用圭盒同年韻贈別柳堂侍御

史館送月例錢至與望雲健庵醪飲適叔濤丈過

訪口占一律

移居用山薑韻

再疊前韻示健庵

鶴巢舍人見和移居詩依韻答之

和皞民移居用山薑韻

皞民次韻見和時君有監修 惠陵之役感賦一

章奉贈仍用前韻

答圭盦和淨師見贈之作

再和圭盦答淨師之作兼柬伯潛

圭盦招賞建蘭用前韻

送王小希同年之官餘杭

和圭盦繁星

和圭盦災異

豫中蝗

閩中蛟

讀漢書有感



柳叟招同人復游葦灣用伯潛韻

七月四日圭盦復招同人由天甯寺至北河泊觀  
荷仍集葦灣柳叟醉墮水再用前韻調之

送吳圭盦同年蘇州省覲四十韻

十二月二十八日同人小集寒齋叔濤先生用坡  
公和陳四雪中賞梅韻首唱一律依韻奉酬

歲除日同健庵過孝達齋中對雪小飲

正月三日同孝達伯潛兩前輩公瑕編修可莊同  
年健庵舍姪游慈仁寺謁顧祠

夢中作

同公瑕編修過子久學士同年飲

送張孝達前輩巡撫山西

題陸包山瑤池醉歸圖壽合肥相國六十生日

題公瑕畫蘭慰子涵二弟下第

閨中題黃公瑕編修陶文毅公江南戊子秋闈詩

冊

光緒甲申二月十八日子涵招同人小集槐陰精舍談宴甚洽叔憲先生爲圖張之未幾而余銜命入閩遽成遠別與子涵密戚同居不無離索之感燈前酒後殆難爲懷追憶春觴惘惘如夢乃有勝會不常之歎輒賦兩絕質之子涵並以質叔憲也

吳子述悼亡繪春眠風雨圖徵題忽忽十餘年矣少作旣焚舊圖亦蝕閩江感舊復乞余詩

酬孫太守孚侃

伯潛舟中同宿

橫田驛舍和竹坡壬午題壁韻

清風嶺次前韻懷竹坡

道出延平岳溪陳老人具酒食款余山居自言二  
十年前左恪靖嘗頓其家夙既聞余名故願一  
見出諸子復索余書數紙而別再疊前韻

至延平聞 命謫戍察哈爾仍用前韻

罷官北上孫太守候余延平是日聞遣戍察罕之  
命再用前韻送太守還江西

建甯再用竹坡韻

夕陽嶺

過須郎山憶四兄並示二弟

過嚴子陵釣臺

杭州贈宗載之姊丈

杭州別姊

山東道中口占贈榮履吉司馬時司馬將有粵游  
歲暮懷人

悼壽武

澗于集詩卷二目錄

淵于集

詩之二

古今體詩九十三首

起同治壬申歲館選乞假日終光緒甲申歲使閩罷歸日

嘉禾書感

先君守嘉日余始生今二十五年矣

放鶴洲邊捲逝波  
先臣舊部此重過  
春深東泖萋芽短  
日落西溪柳絮多  
湖海十年餘佩劍  
煙雲一局爛殘柯  
兒時城郭依稀認  
碧罽秧齊簇紫荷

三高祠

煙水茫茫不可招  
傾脂河畔是虹橋  
春風穩載西施去

回首胥江正暮潮

范少伯

作客正當鱸美處  
清秋曾與薦蓴絲  
瓣香如有深心在

五字黃華絕妙詞

張季鷹

筆牀茶竈臥松筠  
甫里先生岸角巾  
有屋十楹田十頃

無求才許作高人

陸魯望

柳堂先生言事謫官歸主蘭山書院賦詩爲別

連牆方恨結鄰遲握手無端遠別離坐惜挂冠歸老日  
翻逢止輦受言時疏狂自付公卿議姓氏猶嫌婦孺知  
卻羨關西諸弟子講堂從此得人師

愁雲冤過玉關春憑膽真能伏闕陳過恃愚誠思自達  
轉成惆悵定何因側身天地吟諸將被髮江湖署散人  
至竟漢文恩未薄放歸猶是惜孤臣

歸田易決買山難雨雪何辭北地寒征戰十年收隴右  
崎嶇八口尚長安終攄孤憤回天聽敢效羣瘖負諫官  
此去行人休避道吟身不據賜驄鞍

急裝萬里指甘州冷月清尊舉坐愁仕宦幾人如汲黯

封章從古重韓休飛鷹漢殿風偏疾策馬洮河水不流  
早晚 朝廷求直諫就家或更問春秋

書圭盒再送柳叟詩後即墨原韻

徙薪誰遣計蹉跎張目其如世事何直恃狼隄方互市  
不煩敕勒獨騰歌徙邊回鶻屯居雜出塞明駝道死多  
月自右旋將離畢幾人先見雨滂沱

聖朝行儉雉裘焚絕域羈縻自古聞盡說中興飛白水  
固應重譯拱青雲精兵百戰疲荒徼轉餉經年給戍軍  
誰有罪言堪納匭一時愁絕杜司勳

袴褶曾馳萬馬閒玉堂還校蠹書殘竟疑高密期文學  
終恃長沙策治安西限蔥河亭候減東觀蓬島海天寬  
不須遠問敦煌戍戊己新增校尉官

形勢從來根本重艱難須仗計謀深直將慷慨憂時淚  
遠託踟躕惜別心天下安危關將相斯人氣節竟山林  
定知獨舞誰爲屬一劍如龍匣底吟

再用圭盒同年韻贈別柳堂侍御

著書歲月未蹉跎歸臥空山比二何便出函關韜隱跡  
不勞燕市激悲歌夢依魏闕鄉心緩詩入中條險語多  
宛合楚騷忠愛意河流一派達黃沱

蘭自當鋤蕙未焚書生垂老直聲聞思歸許遂還鄉水  
養望期爲出岫雲偶話金鑒從野父看攜藤杖揖將軍  
袖中合有屯田策嬾向轅門更紀勲

家居翬樹隴雲閒三徑重尋菊未殘好擁皋比開樸陋  
願憑鸚鵡訊平安河魚入饌常飡美渭竹連畦隙地寬



莫竟還朝陽墜笏便同表聖住王官

婚嫁才看塵累盡放歸終戀主恩深  
千將千淬斂奇鏐古瑟一彈生道心  
似悔柏臺留諫草還從槐市振儒林  
天涯猶有比鄰意儻許傳箋鬪苦吟

史館送月例錢至與望雲健庵醪飲適叔濤丈過

訪口占一律

偶從人海築糟邱主客忘形足唱酬  
名士醪錢聊縱飲冷官支俸許澆愁  
盤飧也合榮君賜斗酒何煩與婦謀  
難得溫公來不速行沽漫解肅霜裘

移居用山薑韻

窮途不迴步兵車曝書還歸阿咸家  
林中把臂冷成癖瘦若白鹿儕麋麇  
官閒日日給休沐曉仗嬾直宣政衙

知交夙簡況遠別南指章貢西褰斜隔鄰蘭菊競秀發  
槎枒老榦冬不花兀然枯坐獨長歎世事聚散風中鴉  
閉門肯書乞米帖賞音誰解迴帆過會持洪竿釣滄海  
立斷鰲足朝聖媧

再疊前韻示健庵

顏觸安步能當車鴻妻稚髻學作家上堂壽親屏鹿臨  
未屑爾雅箋麋麇分畦頗解灌蔬圃當門恰已成槐衙  
蒼松怪石紛入坐倒屣揖客冠巾斜大官歲給一囊粟  
粳稻粒粒紅蓮花呼僮將出換美酒醉起擣眼翻金鴉  
喧囂莫笑宅近市席門未許鞭輕撾相期望氣測牛斗  
遑愁無匹同炮媧

鶴巢舍人見和移居詩依韻答之

叩門隆隆問字車譚經肯同賣餅家斯才要宜蓄靈固  
獨角之麟歧角麇丞相下階問古事聲名卓犖崇南衙  
廷旨傳宣夜草制五雲繞筆龍蛇斜春風指顧躡鰲  
頂紗籠導引金蓮花玉堂選君正宮體坐令我輩慚塗  
鴉新詩俯和噤難答布鼓敢向雷門過文章早具建安  
骨胡勿提筆贊女媧子建有女媧祠贊

和皞民移居用山薑韻

殷殷闐闐酒百車麟麟炳炳書滿家母妻相將成大隱  
鵷鷺引雛麇友麇吟詩夜夜續官燭聽鼓往往遲朝衙  
海天苦憶亂離日悲歌流誦陳濤斜十年傾心此聯臂  
才名豔絕長安花東吳詞人各虎踞異軍特起盤蒼鴉  
山薑遺調久歇響青州石末勞重撾流徵刻羽苦難和

瑟鼓庖犧笙女媧

皞民次韻見和時君有監修 惠陵之役感賦一

章奉贈仍用前韻

憶昔南苑馳剛車羽旄夾道迎官家 慈宮加餐始獻

鹿 天子彎弓親射麇魏法岐角麇雪中陡聞怪鶴語

百官縞衣班正衙山陵使者銜詔出將作大匠影纓斜

水曹感激董斯役杜鵑啼血紅山花九疑嵯峨樹高闕

寒冬飛集昭陽鴉神工鬼斧事鑱鑿聲應天鼓砰訇揭

願君經營體儉德終古祠廟崇義媧

答圭盒和淨師見贈之作

先皇十載歲辛未君辭戎幕賓于王玉堂相見遂心折

三年校祕商丹黃陰寒雪亘天下白橋山挂弓餘霹靂

腸斷東陵並轡行望遠籌邊極戎索河源使者鑿空  
歸樓船將軍踏浪飛大官謀國務勤遠何時海鏡激珠  
輝和林游牧紛騶駟混同江水連松花昔年甌脫問誰  
屬側身北望徒咨嗟羣盜如毛沉竊發萬夫龍斷開金  
沙西域羈縻示不絕平城深恥終當雪賈傅無由痛哭  
陳絳灌盈廷誰論列燕臺定少千金駿鄉里自知牛背  
穩薦士紛紛蒙虎皮當場甯免興柴遁周基豐鎬漢沛  
宮遠謀敢略關之東君更百戰老於事徙薪曲突將毋  
同仰瞻三祖與七宗豈獨靈承原廟中期君夜上  
通明表橫海長乘萬里風

再和圭盒答淨師之作兼柬伯潛

公昔論詩徹禪悅法輪獅象朝空王又從頑豔寓微旨

天然韶麗施朱黃晦冥百變室生白晴昊無雲驚霹靂  
下筆有神今見之豈惟講易窮犧索我方歧路茫無歸  
雙龍天矯翼使飛排雲手接萬丈燄枕珠衣寶頰餘輝  
吳生矯若流金駟陳郎朗若闍提花辟易千夫好身手  
對此暗醺長咨嗟吾曹瑣瑣強依附可憐數比恆河沙  
爾來元音久歇絕舉世紛紛歌白雪獨向詩壇爇瓣香  
旨趣風騷理莊列天馬行空恣雄駿往往嶽寄得深穩  
絕代樊南起九原未知卷甲誰應遁狂瀾倒瀉驅龍宮  
百川何人障之東呻吟擁被感時會甯與開元全盛同  
大山講堂開岱宗昔年撰杖曾吳中知君同濺杜陵淚  
冥冥孤高生烈風

圭龕招賞建蘭用前韻

曠代湘靈渺獨立華容婀娜要君王好修姱節苦標尚  
品格不減秋花黃微波盈盈意難白一曲清商交霹靂  
竟體芳華世未知氣息何當靜中索浴蘭節後君初歸  
重開襖飲瑤觴飛交深形迹已俱化時復入室承清輝  
朝來一騎馳驕驕邀我更賞魚鮪花夜闌有客觸鄉思  
反騷託諷同咨嗟高標多恐未諧俗譜入雅操琴爬沙  
寶璫私歎輕捐絕幽恨娟娟月如雪變化荃茅蕝不芳  
敢剖區區重論列昨夢江皋策輕駿美人極浦畫撓穩  
分明解佩結同心昔已成言今悔遁鑪煙曉靄闌林宮  
珠簾春護闌西東靈修傳語慎自愛臭味肯使薰蕕同  
詩盟恰比君之宗寂寞坐老深山中吾甯當門見鋤削  
看取芬烈揚秋風

送王小希同年之官餘杭

莫邪千辟鏡百淬寒光森森世無對醉後平躋玉驚顛  
夢中猶戀金鰲背霓裳同日大羅天壇坫期君主槃敦  
鄉關笑對忘憂花擇祿毛生嬾居內湖山久缺賢主人  
可憐聾丞雜惡倖官符夜下急如火頰衣銀鐺數十輩  
砰訇雷鼓聲殷天仰視珠繩星有孛獄蟲滴酒冤沈沈  
市虎投杼事憤憤天子曰咨汝能惠盍往吏邸夜受  
代牧令與吾共斯民憇子嫺嫺慎用愛餘杭父老懼同  
聲晴昊一時飛沆瀣我昔隨宦西泠西飽嚼梅花毛萼  
菜至今襟袂留酒痕疑染吳山舊敝黛州箴縣譜公夙  
諳猶願當筵述梗概自從妖鳥鳴羅平使宅魚租困闕  
閔拔薤恐撓巨宗怒種桑未得長官誨催科豪吏一叩



門里巷罷織野輟來多君仙骨蓬萊人詎屑轅門強逐  
隊生枯雙管判花月金碧梵天開藻績鏡中官閣風中  
琴繞郭煙嵐恣作態綺寮鶴嘯和天鐘繡陌牛眠春水  
碓乞來符竹堪自娛擲去宮花亦何悔春風吹綠蘇公  
隄畫舫明波雲靄靄午衙紬被甯高眠夜宴接羅從倒  
載取石天竺作一峰遠爲太原男子配頌聲厯厯越女  
謳坐使渴羌愁絕塞君先選計肅華亭縣林中把臂今幾人文字  
論交初切肺臨歧恥學金錯詒贈言敢比韋弦佩平生  
頗嗜天目茶儻許清明爲余采

和圭盒繁星

侵沴纏天畢偏灾竟荐臻不過憂水旱豈意動星辰舞  
羽儀仍舉吞蝗迹已陳敢言洪範傳劉向爾何人

和圭盒災異

海氣噓城市無波已陸沈淪胥傷洊至愁怨結重陰翻  
藉陽侯厄能勞計吏心年年閩嶠水宵旰自憂深

豫中蝗

東鄰旱西鄰水水旱苦不休蝗蝻乃大起道旁老弱尸  
縱橫赤地無苗動千里農夫才于驅蝗歸里胥催科猶  
未止使君投劾歸去來釋蝗不捕蝗且死

閩中蛟

山中飛一蛟海中飛一蛟兩蛟連蜷風怒號波濤倒灌  
霹靂交魚龍戢戢鴻嗷嗷守臣力疾何憂勞飛書急遞  
聞之朝節府從容更言事獨請帑金賜疆吏

讀漢書有感

露臺惜百金產天下胡爲鄧錢薄后不提冒絮絳侯爾  
可生全

黃金虛阿嬌屋鉤弋開堯母門畫室勞勞何意上林石  
立曾孫

狗監能知司馬畜之何啻俳優迴首保庸雜作肅霜夜  
半重裘

內史議後不堅若屬吾且並斬御史何假孔子積薪下  
有汲黯

直取狄山頭去誰繫越王頸來居障請纓甚口喋喋可  
憐小才

仙人乃好樓居明堂黃帝時圖知否方士迂怪夜半飯  
牛帛書

柳叟招同人復游葦灣用伯潛韻

前游未及旬出郭復蠟屐山容幻曉晴野色炫餘澤清  
蕖靜不風秋意漾水碧主人不解耕以花作阡陌波清  
代山淥菱芡恣餉客煙水二頃餘鷗渚拓圓席孤亭始  
何年俯仰憶疇昔涼風對面來薄爽生兩腋坐久忘形  
骸不覺日將夕

七月四日圭盦復招同人由天甯寺至北河泊觀  
荷仍集葦灣柳叟醉墮水再用前韻調之

侍御興不淺老理庾公屐水仙亦親人沐浴振薌澤秋  
色撲畫窗杯浸太行碧俯視萬花笑輕塵淨綺陌茅屋  
倒清樽列坐忘主客我醒已若狂杯來不避席餽醕鋪  
其糟甯辨昔酒昔失足墮水中患乃生肘腋恨非新豐

市一醉竟千夕

送吳圭倉同年蘇州省覲四十韻

出處關忠孝交期重友朋暫歸應未隱小別若無憑  
吾道誰擔荷同羣自寵矜白雲千里夢舊雨一龕燈  
公定龍文馬余猶驥尾蠅銅鋪初踏月玉署共條冰  
引和宮舍徵薰陶素染繒題襟詩一集說劍酒三升  
肺腑真能語心肝洞見癥每因憂輾轉時露骨峻嶒  
怪鶴巖初雪長鯨海不凌徒薪謀獨切扛鼎力堪勝  
時會安危倚平生篤摯稱淒涼賦南苑涕淚拜東陵  
益部征輶返唐宮待漏仍瞻星知德聚指水鑒心  
激前輩根源大公孫矩矱承入林狂阮籍空谷嘯  
孫登謂同社何處陰符祕中宵佩劍騰半千名儻應  
十萬將猶能軍久參裴相官

偏惜孔丞紆籌徒幕府簪筆且觚稜當壁開 冲聖垂  
衣紹中興殷憂驚水旱郅治企高曾煥若鳴岡鳳蒼然  
上殿鷹精誠排紫籙直氣貫珠繩入世何聲價盈廷有  
股肱未勞防穴蟻那便去田騰諫版姑藏篋行裘早約  
滕君門情戀戀親舍又丞丞神駿甯羞慙冥鴻不畏矰  
釣竿東海樹仙杖北山藤未屑諸侯客將無退院僧君夢  
前生留賢吾則賤投大世誰膺朽索非難齧枯查不可  
乘周原空穗秉漢塞沉榛芳家國孤棕結風濤望眼凝  
馮親期謁闕巢父忍居槽藥自當歸裏芝還瑞物蒸諒  
循賢母訓終就鶴書徵

十二月二十八日同人小集寒齋叔濤先生用坡  
公和陳四雪中賞梅韻首唱一律依韻奉酬

快雪初開霽殘年已入新江梅誰寄遠

坐皆江南人

漚酒有

燒春七業興長盛

先生諸子均才

三朝紀野民

時撰洋務本末

卜鄰君

有約今夕宿依仁

君欲移居相近夜輒下榻於齋中

### 歲除日同健庵過孝達齋中對雪小飲

昨宵清話捉松枝笠屐相尋興未疲人海莫傳星聚處  
冷齋真到雪深時鬚眉入鏡成高格筍脯圍鑪稱小詩  
團鼓粃盆交輦下間官風味定誰知

黯黯層陰坐不消鹿巾高致寄樽瓢鄉人序飲忘賓主  
海客傳書值歲朝畿甸入春花似粟山河感舊酒如潮  
繁雲欲散微陽動共結輪囷望斗杓

正月三日同孝達伯潛兩前輩公瑕編修可莊同

年健庵舍姪游慈仁寺謁顧祠

出門恣所向信步來僧寮我生積紛慮甯喻禪機超境  
曠心自隘松風振空寥階陰翫殘雪精白凝難消地久  
有興廢感喟稱先朝精藍盛鐘唄名輩爭招邀亭林昔  
僦宅望斗承其杓道光衆耆碩妥侑崇祠標後來議配  
食功忍潛邱桃辟諸禹導水南北當分條博士議不決  
塵起開喧囂吁嗟咸同來經術日以凋孳種或大奏蕤  
繼音終調胡爲囿派別舌辨音曉曉亮哉定合饗芬郁  
升簪蕭我陋不足道同游富英翹登邱達春氣五雲鬱  
岩堯

夢中作

昨夕夢見亡婦縞衣而坐悄無一語惟有五律  
一首亦不知爲余作爲婦作姑錄之



魂遠君尤遠，魂歸君未歸。十年成斷翮，五夜感元機。月冷空牀簟，風寒客邸衣。夢中無一語，握手暫依依。

同公瑕編修過子久學士同年飲

巢痕重認舊蓬萊，還喜瞿郎載婦來。爾我鬚眉羞故鏡，年時歌哭付深杯。消寒暫幸朝班暇，時子久待次余亦未直起居中

聖應容近局，陪避俗息機。聊取醉寄聲，鷹隼莫相猜。

送張孝達前輩巡撫山西

公昔朝陽應鳴鳳，居廬初解承明從。三載重來踐後塵，太原又引雙行轡。海內徒將谷擬坡，朝端惜未王隨貢。

公陞辭日余再直起居亦知河東吾股肱，秦漢以來常委重。形勢

風雲今昔殊，所憂不在樓煩衆。自從重譯失羈縻，絕黨殊鄉爭鑿空。六里商於類楚秦，孤注澶淵定遼宋。如公

建策動遠夷便合經綸歸錯綜 天子儻將試以事暫  
借斯才爲晉用我聞三晉歲洊饑毒卉盈郊禾不種孽  
萌元氣在清靜烹鮮勿擾言堪諷孤立須防羅者多政  
成早致興人誦大廈高寒仗異材終待公歸作時棟即  
今 聖聽方開張思心寬容戒區霧二三君子頗論事  
口說指圖常切中縱幸批鱗不逢怒其奈灸膚未覺痛  
吁嗟一陽戰羣陰譬以涓流疏積壅我收涕淚仍螭頭  
九尺虛糜大官俸世人欲殺公獨憐脫略輩行相伯仲  
人事聚散理所恆太息羸頑更誰龔殘年惜別還斯須  
夜夜高齋傾臘甕庖沲策馬冰初堅太行迎春雲不凍  
知公中路意踟躕戀恩時繞觚棱夢

題陸包山瑤池醉歸圖壽合肥相國六十生日

少荃夫子六十生日敬不舉觴禮也佩綸與公  
累世通家雅託密契會賀正使至有書相問因  
寄此幘將意兼綴小詩

一身備致聃萊福

畢尚書汪明經均以聃萊為兩人然

漢書藝文志同本傳老子語孔子與莊子外物篇六十  
老萊子謂孔子語合則老萊子之即老子也審矣

年華鬢未皤

聖母長春

宮名慈母壽老臣端合飲亡何

獻壽聊同楊次公

次公以老子出關圖為錢穆父壽

海天春滿畫圖中

抱嬰更點張萱筆不羨封侯羨作翁

曾文正賀公生子曰此較封爵尤可

喜今公性  
家孫矣

題公瑕畫蘭慰子涵二弟下第

不妨我輩竟逢蒿瓊佩何心委漢皋底事藥籠箋草木

秋燈翦穗讀離騷

猗蘭不采亦何傷蕭艾紛紛自擅場還是空山幽獨好  
當門誰許鬱孤芳

閨中題黃公瑕編修陶文毅公江南戊子秋闈詩  
冊

江南兵火餘承平跡如掃我從灰燼中頗讀公條教要  
用正淮鹽全功罷河漕初聞孰殺歌終致馨香報吁嗟  
世變亟夷禍伏港澳遂爲元元灾潢池起羣盜後先兩  
文忠旄鉞承明詔高穹杳難測有效有不效雙流直  
到海星宿資前導辰尾韜靈輝縑素發幽耀本集皆可  
觀小詩乃入妙承矩題都堂長公催考較想見時和豐  
賓興育俊造朱文五十年晦跡光重暴片甲雲閒龍一  
斑管中豹吾宗夙好事護惜等珪瑁更搜五都市二美

合潛眇

謝薤泉書一幅

楚弓當楚得不得羨且媚竟同璧假昉

有類鼎納郤散馬易仇池頗足供劇笑即今褻背完論

世觸悲歎斯時癸未春象郡苦寇鈔交廣待經營謀帥

無方召同生有左侯忘年契松薦恪靖以女妻文毅之子非無士

行才坐惜文淵耄楚材殆中衰領袖須英劭侍郎承再

傳胡門入堂奧

孝達前輩胡文忠弟子

三年領河東猶靳追鋒召

惟聞政事閒談經治黷校

侍郎書來云惟上元一集諸名士談經小宴編修

掇湘蘿家法鬱忠孝邇來隱朝市集古窮幽好兼藏埃

邨書雙松寫孤操

公瑕復得戴文節雙松有林文忠長句以贈子涵中書

九原不

可作遺墨徒淒弔空沈峴首碑誰配鍾山廟

時以文忠及林文忠

并祀江甯我今領貢舉視公年則少閒識天雞名且支仗馬

料睡足日高時松風吟石銚

光緒甲申二月十八日子涵招同人小集槐陰精  
舍談宴甚洽叔憲先生爲圖張之末幾而余銜  
命入閩遽成遠別與子涵密戚同居不無離  
索之感燈前酒後殆難爲懷追憶春觴惘惘如  
夢乃有勝會不常之歎輒賦兩絕質之子涵並  
以質叔憲也

俛仰之閒迹已陳錯疑高會動星辰披圖欲擬西園集  
誰補雲鬟翠飾人  
軍籌頓輟別筵開輦下高朋數舉杯不是酒人閒聚散  
歸期遠近問庭槐

吳子述悼亡繪春眠風雨圖徵題忽忽十餘年矣  
少作旣焚舊圖亦蝕閩江感舊復乞余詩

一枕江聲半榻禪香羅圓頂感前緣同禁棧閣兜鈴雨  
虛駐吳宮冷玉煙殘酒著灰還祝畫壞裙資福不留仙  
夫人深春莫替花惆悵潘鬢如絲劇可憐子述甚瘦

酬孫太守孚侃

陽秋竟曲枋頭筆親在臨江壁上看死地求生吁大錯  
危城無助慨同盤誰揮如意矜諸葛忍射浮圖志賀蘭  
艱苦半生何意氣慙尤終倚主恩寬

倉卒軍諮久屈公留賓霜幄坐生風感時豈暇憂樊棘  
閱世渾忘換羽宮漱玉清冷從此遠枕戈殘夢更誰同  
挂冠徑去吾奚惜惆悵遺賢啟事中

伯潛舟中同宿

海鷗浩蕩性初馴同是天涯放逐臣坐聽釣螺江上雨

夢回棲爵殿前春  
神仙李郭原無黨  
將率喬良儻得人  
夜半荒雞猶蹴起  
敢萌歸計飽菰蓴

橫田驛舍和竹坡壬午題壁韻

欲盡閩山險  
迢迢見驛賒  
捷猱爭綫路  
渴虎伏星沙  
茶挺三千里  
松煙十萬家  
使華亭上望  
京國暮雲遮

清風嶺次前韻懷竹坡

隔歲春明別  
懸知望眼賒  
墜歡轄投井  
遺恨戟沈沙  
膠漆存交道  
金貂擲債家  
武夷輸爾到  
列幄會無遮

道出延平岳溪陳老人具酒食款余山居自言二

十年前左恪靖嘗頓其家  
夙旣聞余名故願一  
見出諸子復索余書數紙而別  
再疊前韻

岐亭能勸客  
春釀不須賒  
鷗鷺閒爭席  
龍蛇戲畫沙  
儲



胥丞相驛荷篠丈人家疲馬尋歸路生慚父老遮

至延平聞 命謫戍察哈爾仍用前韻

敢憚從軍苦微憐去國賒舉湯應削爵弔屈忍懷沙亭  
障猶三部車書自一家籌邊如問策莫竟撤侯遮

罷官北上孫太守候余延平是日聞遣戍察罕之  
命再用前韻送太守還江西

昨夜劍溪微雨過引杯還倚斗牛看空馳軍幕三千牘  
分厯山程百八盤溼淚莫斑湓浦竹愁牢肯怨楚江蘭  
放歸儻遂南游願品次三王眼界寬

歸隱無山亦寓公瘴塵不洗臥邊風買牛北道稱禾主  
磨蝎南箕本命宮赤壁賦詩雄尚在藍田慰餞意差同  
寄書莫憚烏丸遠只在驚寒雁陣中

建甯再用竹坡韻

南部推甌建平生夢想賒  
甌斑搜吉水坊本檢麻沙  
野碓泉爭路春燈月到家  
愁霖初見日莫放遠山遮

夕陽嶺

秀靄緣坡陀晴雲忽當路  
松身閒拍身不知何年樹  
山容霽更佳泉脈旱不涸  
密翠交修篁崖罅筍生怒  
幽遐豈人境佛剎金誰布  
紺碧屬縑流勞夫羨成妒  
東南半創夷翦伐失其故  
僻縣樂天全直木潛呵護  
據石對殘僧無言愜真悟  
寒磬聲璆然煙中屢回顧

過須郎山憶四兄並示二弟

須郎山高六百尋南支下  
引須江深傳是江家兄若  
弟玉削芙蓉插天陞旣非  
巨靈仙掌通三光又非金  
蓮華

頂初平羊由來道書侈奇跡洞天福地疑荒唐我來獨  
拜金純麓山自嶙峋溪自曲夜雨連牀舊約乖春草生  
池爲誰綠吾兄高朗如先君寥空瘦鶴難爲羣偶監  
太末稅時度清溪雲孤帆斷夢仍山縣松色灘聲人不  
見石兮石兮爾非醜且頑安能耦俱厯劫無憂患平吁  
嗟乎予季急難歌孔懷胡勿中條偕隱歸去來

### 過嚴子陵釣臺

沛公故人主吏掾暮年徒跣謝前殿當時祇有張子房  
能致商芝來侍宴英雄使君帝室宗師盧從鄭臣臥龍  
龍臥彊爲三顧起釣竿茫茫獨煙水汚南醜女不歸山  
卻羨梅家壻鄉美皇漢三君乃一流儒風道骨邈無儔  
帝坐輝光客星去俯眎列宿猶通侯懷仁輔義天下悅

阿諛順旨要領絕兩言咄咄即諫書進退確然此高節  
君不見翰林李白謫仙人亦慕先生事隱淪一誤樓船  
成放逐太息香鑪非富春

杭州贈宗載之姊丈

歷盡憂危意氣平親知久別倍關情鬚眉鏡裏都蒼老  
兒女燈前各長成子敬閒身還省姊涪翁餘事合傳甥  
笑君作宦拙如我冷況錢清江水清

杭州別姊

飲齷適真性何取自拘囚顧我若不豫宵旰今獨憂備  
兵二十載水卒不習流吾謀固多闇豈恤人言浮帷幄  
有祕策干戈當小休孤舟踐湍瀨帆楫亦宜收本無故  
山隱敢辭裔土投家聲遂中墮停杯非酒愁零落只一

姊困篤月已周香聲且生別制淚爲少留臨歧對甥泣  
明湖忍重游出塞何足念蛇藥勝南州歸來斂豪氣田  
舍與爾求兀兀獨爲別先生其宛邱

山東道中口占贈榮履吉司馬時司馬將有粵游

荷父敢憚路艱難風雪何人並馬看莫笑臣門殘客少

故交落落止任安余解船官旋遠戍察哈爾履吉亦辭  
閩隨余北行七閩三衢頗多唱和之

尚書幕府盛才賢戍客孤吟薦士篇不遇司空搜赤玉

誰知匣裏是龍泉謂孝連  
賢部

歲暮懷人

卅載心肝奉至尊避賢罷相自銜恩卻憐迂叟猶京

輦無計歸營獨樂園高陽  
協揆

少年時譽冠盧楊

同少與錢昭學相慕  
觀察超伯並舉神童

白髮江湖闕

講堂太息豫州新敗後傳經媿說鄭公鄉

夏壽人師

吹律能蘇朔漠寒燕雲耕牧樂便安太原天下精兵處

願進田官志鐵官

奎樂山撫部

君勝無慚夫子後蘭臺驄馬久生風釣竿詩卷思歸引

苦死須留禿老翁

孔玉雙給事

異同洛蜀苦拘牽學到延平悟灑然一種光風兼霽月

早容雙井得言詮

于火棠前輩

蕤羹菰飯儘知幾酬和松陵共掩扉春夢醒時翻自笑

幾人林下有田歸

吳望雲祭酒與費芸舫前輩俱隱於吳江

厯厯聞甌逐使驂詩名官謗徧東南歸程不對黎渦笑

一節猶應傲澹庵

宗室竹坡侍郎

延英殿閣對隆儒開邸諸王執業超誰識寒榮風雪裏

十年寂寞字遺孤

王雲勛同年

鑠金口衆競喧囂相國憐才首屢搔莫學諸侯老賓客

旁觀泚筆詠陳陶

章夢所同年時在合肥幕中

烏程酒熟醉顏紅茗雪谿山入畫中底用煙波謀汎宅

藏身人海即晶宮

張叔憲兵部

袞袞中書迭草麻十年冷對紫薇花不知何地爲荆棘

火棗交梨玉斧家

許鶴巢舍人

河渠禹迹嶽真形名士游蹤海右亭爭似縣人稽漢志

禾鄉酒務補圖經

趙青衫司馬幼修豐潤志

家風好客恣開樽歲晚長安合閉門試展雙松圖拂拭

欲爲直榦且盤根

黃公瑕編修善畫家藏文沈雙松圖各一

三人各瘦我尤勞顧念平生氣不豪莫笑歸耕難買犢  
解環姑賣呂虔刀

兩弟

悼壽武

鄭公使北時不暇問兒女勞勞爭獻納於國亦小補嗟  
余凶門出本志在外侮已玷帷幄籌遑作家人語弱弟  
道省余欲言色先沮曠論齊彭殤消息稍茹吐念汝誕  
彌月咳名例宗武出汝後仲兄私冀能繩祖臨行妾母  
絕垂絕猶提汝頗望汝興家不憂汝失乳禮秩遂如嫡  
頭角亦如父號咷里巷驚天花驟飄雨汝生我河汾汝  
沒我查滄草草父子緣瞥若風萍聚哭遯實悼雲舍哀  
知媿杜無生斯無患何問聰與魯恐遭守藏呵求亡負  
建鼓獨憐病支離少未學軍旅頗盼兒長大入窟探雛



虎望氣辭衰門  
生樂中土宿根  
儻再來埋環傳  
庭樹終建征南  
功努力作羊祜

詩卷二